

欽定剿平三省邪匪方略

欽定剿平三省邪匪方略正編卷一百七十五

庚申年

閏四月十七日

已

托津奏言竊查廣西副將七

格捏報重傷短少兵數私自離營一案前奉

旨革職拿問交廣興嚴審定擬具奏先經廣興派員

嚴審茲據審擬詳解

臣

與廣興及道員嚴士銓

陳預親加審訊緣七格係鑲黃旗滿洲嘉慶四
年五月於廣東叅將任內奉派分管廣東官兵

來川剿賊十一月二十八日在貓兒壩雲臺山等處打仗官兵被賊衝散該員腰膝受有微傷報明翼長楊遇春差外委賴東昇守備劉琥先後驗明腰膝兩處微有紅腫未見別有重傷回營稟報七格因不能乘馬難以隨營追剿旋自往保寧就醫調治經額勒登保札調赴營驗訊因額勒登保每日追賊行走迅速至十二月二

十八日始行起程額勒登保見其受傷不重不
應藉此逗遛且詢其所帶廣東官兵原有九百
五十名除先留夔州駐防九十七名尙應有八
百餘名何以祇剩二百六十八名七格又復藉
詞推諉當將七格一面摘去翎頂一面叅革留
於達州將所短兵數逐一查明稟報再行辦理
逐加研訊委無別項情弊並詢之該管都司宋

國與供亦相符似無遁飾其原帶官兵令七格
遵照原冊查明除額勒登保帶赴陝西兵丁外
所有派留各府州縣防守城池並各處養病養
傷陣亡病故及因病落後遣回本營調養各兵
經廣興與_臣照七格所開兵數先後札飭各處
行查去後茲據陸續稟覆逐一細加查對惟打
仗衝散兵丁二十五名未得確實下落其餘數

日俱屬相符查七格身系滿洲以副將大員帶
兵打仗尤當身先士卒爲漢員表率乃因受有
微傷輒行自赴保寧訓養而所帶官兵又復毫
無統束以致衝散落後咎實難辭未便因查明
尙無別項情弊竟予免議應請

旨將七格發往伊犁効力贖罪以爲領兵大員不能
統束官兵者戒再查七格出兵八次鎗傷四處

曾蒙

恩賞給捷勇巴圖魯名號年力尙屬精壯現當軍營
川人之際該參員從前帶兵打仗曾經出力可
否仍留軍營作爲兵丁効力之處出自

皇上天恩奏入

上諭內閣曰七格以副將大員帶兵打仗自應身先
士卒乃因受有微傷不能騎馬難以隨營追剿並

不稟明經畧自在保寧調養卽與有心避賊無異
若兵丁如此應照臨陣脫逃例正法卽將弁等亦
當以軍法從事托津因七格從前帶兵打仗曾經
受傷並得過巴圖魯名號問擬發遣已屬從輕何
得復請留於軍營作爲兵丁効力七格身爲將領
尙如此偷安若作爲兵丁留於軍營豈能得力七
格著發往伊犁効力贖罪以示懲儆

十九日辛未倭什布明亮奏言查青號徐逆大隊

賊衆經臣等於石花街等處痛剿之後該匪等

向盛家塋一帶人山逃遁查該處係走南漳地

界並可通茨河小河口逼臨江岸設搶渡北竄

或東趨襄郡均屬可慮是以臣等由襄陽馬家

營從東北兜截江北有河南臬司完顏岱移兵

下游太平店防堵該逆不敢出山肆行焚掠所

有穀城襄陽南漳等縣村庄百姓現在及時種
插均極安靜初三初四等日探得賊匪由樊家
巖土洞一帶奔竄臣等督兵從馬鞍山盤山堽
抄道兜截詎該匪鬼域異常由北風坪麻坪盤
繞萬山重疊之中往來人跡罕經之地總思誘
我官兵入山乘間折出擄人掠食初八日臣等
統領官兵兼程趕至螭螭溪追及賊匪後隊時

已傍晚該匪一見官兵飛卽奔跑前隊兵勇趕上擒獲賊匪姜大恒等三十一名乘隙散出被擄難民舒舉等一百餘名訊據供稱實在官兵追躡得緊不敢出山擄掠現在山中乏食徐掌櫃等分爲三股行走一股走馬良坪一股奔歇馬河大股在重陽坪屯紮各自覓食等語當將該犯等分別辦理是晚挑出奮勇官兵初九日

黎明分投進剿正在坂營間適據探報有一股
賊匪約千餘人四散藏匿在螃蟹溪密箐深林
內意欲乘官兵前進希圖突出抄截後隊

臣等

知其謫計曉諭官兵密行準備仍飭官兵前發
當派叅將朱士泰遊擊胥泗起等帶領騎馬弁

兵三十餘人設伏山口

臣

明亮帶兵先下在左

手山梁扼住去路

臣

倭什布帶兵從右手山坡

進發抄截賊尾甫至山下忽見山後賊匪吶喊
搖旗施放鎗礮蜂擁而出察看馬賊約有三四
百人步賊五六百人分投來撲

臣

明亮督率副

將樊雄楚叅將烏爾卿額都司雙柱守備陳應
彪陳明等直撲中間近放進步連環遠用劈山
礮轟擊將賊匪衝爲兩段我兵一擁而進斃賊
百餘人遙見後隊賊匪接踵而至繞到右手山

梁勢欲搶刦鍋帳臣倭什布督領都司何天標

鄧興相守備張霞舉六達色等由山腰抄進鎗

發箭射應聲而創者一百餘人該匪左衝右突

支持不住奔及山口先派之叅將朱士奉等扼

截迎殺賊人腹背受敵三路官兵攬殺一處共

斃賊三百餘名搶獲騾馬九十一頭匹擲棄器

械甚多餘賊扒山亂竄向馬良坪重陽坪賊衆

屯紮處而逃臣等正可乘勝跟追痛剿奈前途

兩山逼仄林箐深密賊人恐大兵趕上在樹林

中段段設伏牽綴官兵當卽派撥將弁兵勇分

投四出盡力搜捕至晚擒獲張景和雷侍達等

六十一名訊據僉供青號係徐三掌櫃並稱徐

添德在內主謀又有僞元帥任端甫梁成賢等

領矛鎗手在前行走實因官兵追緊徐掌櫃挑

出馬步矛鎗手一千餘人埋伏後山若能搶得官兵鍋帳馱騾想來再不能追殺現在徐掌櫃大隊人馬在馬良坪重陽坪山內屯紮候我等回去再作計議等語查該犯內有徐三之姪徐順兒並李世得胡全萬倫等三人均係領旗頭人當卽訊明立行懲割其餘蔣克功等均係從賊最久打仗殺人者概行駢誅臣等現在鼓勵

兵弁乘勝躡蹤進剿以冀集事查苟逆一股賊
匪剿敗後竄至川省大寧縣大昌地方

臣等早

經照會總兵德英額就近剿辦嗣據王凱稟稱
該匪敗殘遠遁東湖巴歸等處現已團勇堵禦
該鎮帶兵守候多日賊蹤遠颺是以迎探青號
賊匪前來初七日行至北峯寺龍王坡地方卽
與青號分出小股賊匪遇見接仗該鎮督同副

將佛寧守備汪鉉亭周長泰等竭力剿殺斃賊三十餘名擒獲活賊張志坤一名兵勇間有傷亡現在王凱帶兵到臣等一路併力協剿孫

清元一路追剿樊於陝省七里關地方賊匪敗遁遠去據孫清元報稱此股賊匪人數無多酌留所帶兵勇擇要堵截自可得力臣等前已

咨會恒瑞台布酌撥兵力並札飭白河等州縣

厚集鄉勇攔截若該匪折回亦可乘其窮敗一
鼓殲滅孫清元同參將吉林泰等現帶所有兵
勇由房縣保康迎探青號會剿前來尙未趕到

臣

等查青號大股賊匪經官兵逼歸一處正欲
厚集兵力夾擊合攻設或賊分則官兵分路兜
剿賊合則官兵聚而殲洗隨時相度機宜設法
兜截自不虞其漏越他竄於剿辦更有裨益其

鄖西邊界有一股賊匪由商州竄來屯聚高壩店距漫川關不遠經遊擊周龍章知縣孔繼櫛督率兵勇堵剿殺賊六十七名投出難民張宏照等十六名搶獲旗幟騾馬鎗矛等件甚多據稱此股賊匪係楊開甲還有姚元帥卽姚如貴聽說要往河南等語臣等當將出力兵勇分別獎賞查鄖西邊界貼近河南毗連陝省山陽鎮

安洵陽等處賊股較多雖有道員恒慶督率兵

勇防堵究形單弱臣等前派副將滿倉帶領官

兵一千名前往協同守禦約計此時早抵該處

兵威較壯自不虞其闌入再查苟逆前次由房

縣界嶺竄入巴東境內衝撲營卡把總胡照遠

朱士貴力戰陣亡此次王凱接仗兵勇間有傷

亡容再查明咨部辦理奏入

上命軍機大臣傳諭明亮倭什布曰楚省青號賊匪分股奔竄經明亮等探明蹤跡在螃蟹溪等處督率官兵扼截迎殺先後斃賊五百餘名所辦尙好其苟逆一股於擊敗後竄至大寧王凱到彼守候多日因賊蹤遠颺卽迎探青號賊匪躡蹤追擊雖在北峯寺一帶殲賊三十餘名而兵勇亦有傷亡看來此仗未爲得手不甚愜意至孫清元一路追

剿樊逆至陝省七里關地方賊匪敗遁遠去孫清
元以此股賊匪無多留兵堵截伊卽帶所有兵勇
由房保迎探青號會同剿辦此二路皆係逼賊出
境未能剿盡不可謂功此時青號賊匪有官兵三
路剿辦自可合力奮擊且此股賊匪有首逆徐添
德尤應速行搜捕明亮等務乘此兵力會合之時
在南漳一帶將青號賊衆悉數殲除若能生擒徐

添德卽屬明亮等之功當遵前旨解京處治卽或
臨陣殲斃亦必須驗明首級得有確據方可信以
爲實至青琥賊匪如在南漳地方辦竣倭什布卽
應同孫清元前赴鄖西該處雖有恒慶孔繼樺在
彼但兵勇究爲單弱倭什布孫清元前往督同堵
禦自可得力其歸巴一路仍著王凱帶兵前赴該
處駐劄堵剿至明亮係特派督兵剿賊之人於楚

匪廓清後自當領原帶之兵馳赴陝省幫同額勒
登保剿辦各股賊匪計彼時所調廣東廣西之兵
當已到齊正可併力奮擊速期蕆事再朕聞知縣
孔繼樞在鄖西素得民心所團鄉勇亦最强健前
此姚之富齊王氏竄近鄖西時卽因該處鄉勇實
力堵截德楞泰得以乘勢殲除此後鄉勇等慮及
賊匪爲姚之富等報復堵守亦更嚴密孔繼樞又

能善於撫馭地方頗資其力而道員恒慶與孔繼
榘諸事會同籌辦不以上司自居故能防堵得宜
此卽和衷共濟之明效並著明亮倭什布等查明
孔繼榘如果爲民心愛戴始終出力卽據實保奏
候朕酌量加恩所有王凱一路打仗陣亡之把總
胡照遠朱士貴俱著咨部賜卹

二十日

壬申

吳熊光定住奏言查陝省各股賊匪

前經官兵攔回西竄

臣

接田永桐來信探得張

姓一股已向西奔楊開甲辛聰兩股會合由米

糧川一帶竄入鄆西蒿坪垵等處恒瑞帶兵馳

赴上津攔截查卽西東北與商南之青山寨富

水關正東與商南之風子垵淅川之荆子關等

處在在可通青山寨富水關現係田永桐叅將

蔡鼎帶兵分防

臣

吳熊光已將新到山西兵一

千名撥赴荆子關併飛催山東兵由南陽迅赴
荆子關協力防堵是鄭西賊匪如向東北奔竄
豫省尙有官兵攔禦萬一由鄭境直趨東南則
沿江而下地勢平行如湖北均州光化棗陽隨
州等屬與豫省之南陽汝寧接壤無險可扼楚
省本未安設官兵豫省雖有防江兵勇亦屬有
限所恃一江之隔若江北賊匪由二鄭東竄則

防江兵勇竟成背水之勢

臣

等正切焦灼適接

經畧額勒登保來信因聞楊逆等竄入鄖西卽

與那彥成帶領大兵馳往抄截等語查楊逆等

股既有恒瑞剿辦又經額勒登保那彥成統兵

前往自能截賊去路不致東趨但額勒登保等

所追張添倫及冉戴等逆各股尙在鎮安孝義

一帶今額勒登保等旣移師赴鄖而鎮安孝義

之賊一見大兵遠去設復乘間折回商雒則陝
省東面既無重兵遏截豫省西路尤關緊要現
在直省官兵一千名業經到齊臣定住少爲整

頓卽帶赴朱陽關適中之地察探賊蹤相機堵

截并諄囑鎮臣常林田永桐等督率將弁分投

嚴防臣吳熊光隨時確探陝楚兩路情形悉心

籌畫防守奏入

上命軍機大臣傳諭吳熊光定住曰此時陝省賊匪
楊開甲辛聰兩股會合復由鎮安米糧川一帶竄
入鄖西蒿坪埡等處張添倫冉戴等逆尙在鎮安
孝義一帶游奕恐其乘間折回商雒賊勢稍覺鴟
張其東北一路鄖西地方昨據明亮等奏恐在彼
防守之道員恒慶知縣孔繼梓所帶兵勇單弱已
派副將滿倉率領官兵一千名前往守禦足資攔

截至東南一路係湖北均州光化等處與豫省南陽汝寧接壤無險可扼吳熊光所慮俱是現據奏額勒登保等已帶領大兵馳往抄截賊匪自不至東竄惟張添倫冉戴等逆見額勒登保等移師赴鄭乘間又思折回商維此必然之事該處道里情形朕亦難於遙度總在吳熊光等悉心籌畫何處緊要卽分飭員弁認真防堵勿使賊匪一名闖入

定住現帶領直隸兵一千名前赴朱陽關駐紮務
當察探賊蹤相機堵截不可稍有疎虞倘前調之
兵三千名尙不敷防堵要隘現在直隸磁州與山
西蒲州各駐兵一千名吳熊光定住卽可酌量一
面就近檄調一面奏聞至額勒登保等在鄧西抄
截楊逆等股吳熊光如果探有打仗得勝情形卽
先行馳奏以慰廑注

防總不使東路逼來賊匪仍舊竄回始於剿捕
全局有裨並派副都統和興額帶兵在高關駐
守嚴防賊匪奔竄子午峪派總兵觀祥帶兵嚴
防大峪口兼顧藍田一帶仍恐由東逼來各股
賊匪一過五郎分投奔竄或致兵力不能兼顧
或於臨時籌備緩不濟急臣已先行飛咨台布
並分別移飭防守西面之索費英阿長春汪啟

王文湧小心防範復嚴飭沿江各州縣收攏船隻多集鄉勇防守江岸遇有水淺可以淌渡之處一聞警信卽飛報駐守江岸及江岸以南之王文雄札勒杭阿額勒亨額慶溥溫承惠就近相機策應一體先行準備奏入

上命軍機大臣傳諭長麟曰長麟前因省城緊要奏明帶兵馳赴大峪口督率防堵及至到彼賊已西

蓋復以江口爲東北總路親往駐紮徒事僕僕往來並未見其剿殺一賊不過相隔旬日奏報一次敷衍塞責竟深染軍營故套甚負委任且陝西楊開甲辛聰兩股賊匪業由鎮安竄入鄖西張添倫冉戴等逆在鎮安孝義一帶游奕亦欲乘間折回商維賊勢甚覺鴟張長麟竟在夢中全然不知而摺內率稱額勒登保等必先將東南各股賊匪盡

數通向西奔可卽於陝省全數剿滅等語尤屬大言不慚陝省東竄各股賊匪雖經額勒登保趕緊截剿恐未必能全數截回該處東西南北各路卽分投駐兵堵禦賊匪豈肯自投絕地而長麟輒稱賊匪別無去路卽可在陝剿滅正復談何容易試思賊匪詭計百出豈長麟欲通令西趨卽聽其指使相率西竄今長麟既有此言不妨卽照所奏辦

理如果能依言辦竣寧非朕所深願但看長麟如
何出力能否自踐其言耳松筠前在陝省遷延怯
懦是以將伊犁去伊犁將軍降爲領隊大臣魁倫
在朕前以剿賊自任及到川後毫無調度縱賊搶
渡嘉陵江潼河將伊犁職治罪今長麟辦事無能
則似松筠而大言不慚則又似魁倫伊平日官聲
僅與魁倫相等品望尙不若松筠似此毫無布置

若又致貽悞則封疆大吏頻頻獲譴尙復成何事
體且伊係覺羅非他人可比尤當盡心竭力視國
事如家事乃因循觀望一味託諸空談長麟著傳
旨嚴行申飭此時長麟帶兵堵截若遇見賊匪自
當痛加剿殺但打仗殺賊之事尙不專責之長麟
若撫卹難民練習團勇則係該督分內之事務當
上緊籌辦總須令難民有業可歸鄉勇人自爲守

賊匪無從裹脅黨與日就解散民心益固則賊勢益孤方可乘勢撲滅非空言無補卽能辦賊也

同日台布奏言竊臣行抵江口查驗新築土堡

甚屬雄壯總兵長春帶領官兵從九品雒昂帶領鄉勇於堡之兩旁分佔山包扼要防守兵勇俱逐月掾演與總兵索費英阿汪啟兩處聲息亦頗聯絡臣查南山各股賊匪因不能遁往楚

豫折向西南竄過孝義地方西面正當緊要之時若將三鎮官兵逐漸近逼歧途百出官兵左進賊匪右竄山澗阻隔未能便捷轉不若在梔枰石江口方柴關三處扼要駐守方爲得勢自應照舊分防俟經畧等有調遣之處再行移動惟漢中平原城洋等處亦係賊匪西竄要路無將無兵賊匪逕奔西南後有追兵前無攔阻深

爲可慮西鄉幅員遼濶其大黃壩土地迥尤爲
賊匪赴川所必經亦並無官兵防禦臣此時祇

能先赴洋縣督率該縣勸諭居民多團鄉勇處

張聲勢再往石泉安撫居民其西鄉邊界臣一

時不能分身前去已嚴飭該署縣於石泉紫陽

漢陰各廳縣連界練勇設卡實力嚴防合計近

省平原督臣長麟帶兵防護儘可無虞西面近

棧處所現有長春等三鎮分段者禦寧羌汧縣
亦有王文雄札勒杭阿緊遏四川龍安竄匪均
有責成惟城固洋縣地勢平坦西路則川楚兩
路賊匪所窺伺此三處佈置總未得有把握
臣
惟隨時札飭相機妥辦以期各股逆匪不出範
圍之內得以盡數殲除

台布又奏言據城鐵礦溝兵勇盤獲賊探黃添雲

由總兵汪啟派員解到臣親加研訊據黃添雲

供本年三月二十八日有劉之協之子劉貴來

戴家營約我等赴河南散夥隨於三十日劉之

協親帶數人裝作客商用馬騾馱有梭布什物

來到戴家營向戴學清說既不能成事何必無

故殘害生靈不如歸奔河南趁此散夥各歸各

業爲是住歇兩日於四月初一日他父子仍起

身向河南回去等語

臣

又詰以你見劉之協父

子如何模樣現在河南何處居住據稱劉之協

約五十餘歲身材長瘦長鬚劉貴約三十三四

歲微鬚現在河南南山洞居住等供

臣

查教匪

多以劉之協爲老師傅緝捕多年未能就獲現

據黃添雲供有三月間曾到賊營及現住河南

南山洞之語雖未必全足憑信但劉之協勸令

賊目散夥歸正如米屬實正可將計就計解散
黨與已一面飛咨吳熊光選派能幹員弁前赴
南山洞妥密設法務將劉之協父子誘出以便
再行酌辦奏入

上命軍機大臣傳諭台布曰昨據吳熊光奏楊開甲
辛聰兩股賊匪復由鎮安米糧川竄入鄖西地方
張添倫冉戴等逆尙在鎮安孝義一帶遊奕恐其

乘間折回商雒是陝省各股賊匪復向東北奔突
此時情形與台布所奏或南入川西入甘之處又
有不同所有防堵事宜本係台布專責惟當隨時
確探賊蹤相機籌辦以期堵禦合宜剿捕亦可得
力又據奏盤獲賊匪黃添雲一犯羈禁候旨情形
所奏殊難憑信劉之協如果欲勸令賊目散夥歸
正何不令賊夥即在陝西解散況陝省各股賊匪

並非專係河南人何必令其同至河南各歸各業
且豫陝隘口有常林田永桐等帶兵防守劉之協
本係圖形通緝重犯據黃添雲供與伊子劉貴先
後遠赴陝省賊營向戴學清勸解後又仍回河南
豈有來往自如沿途全無覺察之理看來黃添雲
所供竟係支飾或係戴家營等賊匪散布此言希
圖緩我軍心稍弛防範得以乘間竄入河南其所

供劉之協現住南山洞之語未必豫省實有其地
不值降旨令吳熊光查辦此事朕一經披閱已知
其妄台布乃輕聽此等無據之言輒用馳報殊屬
無謂台布著傳旨嚴行申飭該撫惟當督率兵勇
實力堵剿不可爲其所惑轉墮奸計其盤獲之黃
添雲一犯著交地方監禁俟查明賊匪等實無散
夥歸正之事再將該犯正法

二十四日

丙子

上命軍機大臣傳諭領兵大員陝甘四川湖北各督撫曰教匪滋事之始因地方官以查拿邪教爲名任聽胥役恣意訛索而不肖州縣亦從中取利激而生變其時事起倉卒黨與無多該省督撫如果卽時實力查拿設法解散原可不煩兵力乃張皇失措征調多兵四出剿捕而教匪自知萬無生路

遂爾糾集黨徒堅心抗拒及至賊勢日張督撫等束手無策不得已始派帶兵大員前往其實該省地方滋事之案本應督撫自行辦結帶兵大員原係會同剿捕詎督撫等見有特派帶兵之人以爲剿賊之事卽非伊等專責心存推卸於本省各要隘地方並不認真防堵任聽賊匪來去自如毫無阻擋而帶兵大員專司剿賊又不便以此歸咎地

方官遂至堵剿而不得力賊匪得以蔓延數載迄
未藏功在經畧叅贊等身膺軍旅重寄自上年以
來屢加懲誡未嘗不認真打仗力改從前虛誑陋
習卽督撫等簡任封圻亦各自知奮勉惟賊匪經
過之各州縣等於團勇守禦之事總未能經理妥
協若果盡如尹英圖孔繼榘林嵐之練集義勇固
結民心使賊匪不能窺伺衝突亦何至任賊輾轉

奔逃到處焚掠乎況此等教匪皆係內地亂民非
邊徼外夷可比以本境督撫辦理本境之賊原屬
伊等分內之事責無旁貸豈可因有經畧叅贊遂
置軍務於不問僅以辦理糧餉爲詞現在所用帑
金不下十千萬征調各省官兵不下十餘萬而賊
匪東奔西竄滋蔓如故總未能肅清一處似此日
復一日若不急思變計則賊匪何時始能辦竣以

目前緊要機宜而論不在添兵並當散去疲病之兵不但募勇尤須團集精練之勇夫賊匪奔竄數省道路分歧若全仗兵力剿辦卽再增數十萬雄兵亦不能處處兜截況各省遇有征調每留精兵防衛本省其調撥他省者往往以新募之兵充數卽如四川添調貴州官兵皆係未經習練不能緊隨施縉撲上山梁以致施縉後無接應中矛陣亡

已將貴州派兵之護撫常明革去翎頂示懲若此時再行添調各省兵丁大率類是現在用兵省分多有受傷患病營弁兵丁存留各處官爲養贍者亦有隨營充數者既不能跟隨打仗徒糜糧餉於事何益所有此項傷病營弁兵丁其在各州縣留養者著該督撫查明不必轉報經畧卽令撤歸原伍其在各軍營者著經畧叅贊等查明亦令歸伍

仍各將撤去各弁兵數目或間月或每月奏報一次此外疲乏無用之兵亦當一律辦理惟留其趨健得力者帶領剿賊如此分別挑用則軍營無非勁旅一兵可得一兵之用士氣更爲振奮再陝甘川楚官兵年來撤調紛繁有此省之兵撥往他省而本省需兵又向他處調用彼此人地生疎兵不習將豈能得力自應令其各歸本省交原營將弁

管領打仗追賊時於該處道路情形既能熟悉且
桑梓關心自必竭力捍衛著陝甘川楚各督撫查
明妥協辦理至團勇一法必需責成地方官經理
蓋州縣之大者精壯之民可得數萬其小者亦有
一二萬詳加選擇朝夕訓練使之各衛鄉里賊至
則共相奮擊賊去則仍安生業以本地鄉民偵探
賊蹤較之官兵更可早得確信先爲預備以逸待

勞視兵丁之東追西擊徒形疲乏而仍不能殺賊者相去奚啻倍蓰所有陝甘川楚各州縣凡教匪經過地方自督撫以至州縣提鎮以至千把均應一體實力辦理俾賊匪到處不能衝突無可裹掠其技自窮至撤回傷病無用兵丁節省餉銀即可作團勇之費如鄉勇中有能殺賊立功及該州縣實力團練行之有效者分別獎擢前降諭旨甚明

該督撫務當遵照辦理其州縣不得力者斥換如人不敷用卽奏請揀選發往又近聞帶兵大員有因該處鄉勇得力調往軍營協剿者鄉勇等在本處團集原係自衛身家得資其力而離鄉卽不爲勇況得力鄉勇守禦嚴密必爲賊匪所忿恨一旦離其本處賊匪聞知自必率其醜類突入村庄肆行荼毒而調往他處之鄉勇遠離故里本無自衛

之心亦未必仍前勇銳以致被賊戕害者有之嗣
後帶兵大員等不可輕調鄉勇惟責令各在本處
堵禦用收實效總之能堵而後能剿而堵禦截拿
之事非團練鄉勇必不能辦若督撫等畏難苟安
惟思諉之帶兵大員因循延玩必致兵日益疲餉
日益匱長麟勒保姜晟台布倭什布等務當各知
奮勵妥協經理至德楞泰恒瑞雖現在帶兵俱係

本省將軍亦有地方之責均當悉心籌酌將來賊匪殄平後應辦善後事宜甚多皆係伊等責任若能堵禦有方使賊匪所向輒窮無從奔竄該督撫之功與經畧叅贊無異必當同膺懋賞倘仍前疎懈任賊奔逃必重治該督撫之罪此時天氣日漸蒸熱未必能頻頻打仗經畧叅贊督撫等正可趁此時將如何團練鄉勇設卡布置實力堵拿及如

何撤回疲兵挑揀精銳分帶剿捕之處通盤籌畫
計出萬全彼此咨商會同覆奏不可徒托虛言敷
衍塞責也

臣等謹案詰奸鋤暴守土之責教匪滋事之
始不過內地莠民地方文武本應及早撲滅
追勢漸蔓延不得已

命將出師四路追捕而各省境壤毗連犬牙錯互或

一處堵禦稍疎遂致肆突狂奔剿擊亦難得
力稽延遲久職此之由我

皇上洞悉機鈐以剿捕責成帶兵大員以堵截責成
各省督撫

指授方畧

申諭再三茲復

命將傷病留營弁兵撤歸原伍其本省之兵卽歸本

省交將弁管領打仗則兵將相習不但地里情形可資熟悉而桑梓關心各思自竭其力至口練鄉勇亦不令遠離故里既收捍禦之效且俾免荼毒之苦仰見

睿謨昭示

酌理準情所以運籌萬全而決勝千里者蓋有範圍不過者矣

欽定剿平三省邪匪方略正編卷一百七十六

庚申年

閏四月二十五日

丁丑

長麟奏言

臣

前因賊匪欲

由大峪口子午峪竄出平原業經

臣

帶兵截回

併恐各股賊匪被剿情急奔繞江口一帶竄出

平原復經

臣

派委總兵觀祥嚴防大峪口副都

統和興額嚴防子午峪

臣

駐紮江口嚴密堵禦

茲接據山陽等屬稟報伍金柱大股賊匪衝破

郎西之蒿坪埡隘口竄至上津堡額勒登保那
彥成恒瑞慶成劉之仁各路大兵趕抵漫川關
分投追截查郎西雖係湖北所屬尙在漢江之
北各路大兵由北而東三面兜圍逼向江邊賊
匪無路逃生或卽聚而殲旃或仍由原路截回
均未可定惟現據漢陰廳稟報有兩股賊匪一
在廳東之澗池堡雙乳堡一帶滋擾一在廳北

之鐵爐壩一帶肆掠又據洵陽縣稟報亦有兩
股賊匪分路在蜀河及趙家灣等處搶劫又據
洋縣報稱現有賊匪一股在該縣焦溪河一帶
竄擾是陝省江北尙有五股竄匪賊蹤無定每
視官兵之有無以爲奔竄之趨向今西面留壩
江口桅桿石等處有撫臣台布率同索費英阿
長春汪啟等之兵南有漢江北有各峪口尙足

以資防堵惟額勒登保那彥成等之兵旣已前
赴郎面則陝省東西現在無兵剿捕而五郎江
口爲東北總路又不便置之不顧臣自應一面

兼籌堵禦一面趕往剿捕當卽飛調駐守高關

之和與額將所帶兵一千五百名移駐五郎江

口據險扼要以壯聲勢

臣

營除步兵外僅有馬

隊一百五十名不敷追擊之用併經札調駐守

大峪口之觀祥將所帶馬步隊兵六百餘名歸
入臣營其子午峪大峪各口亦屬緊要已飭交
遊擊張彪帶領壯丁八百名往來堵禦並札飭
西安藩司台斐音督飭該地方官多集鄉勇嚴
密布置奏入

上命軍機大臣傳諭長麟曰長麟前以大峪口緊要
帶兵馳往督率防堵及至到彼賊已西竄復移駐

江口堵禦今又因陝省東而無兵剿捕將江口防堵事宜委之和興額長麟馳赴陝省東面兜剿其所稱防堵如何布置東面究係何處摺內均未聲叙且所稱陝省江北尙有五股竄匪而此五股係屬何賊亦未聲明尤爲含混長麟於防堵事宜既未見經理妥協又藉詞兜剿往來僕僕總未遇見一賊接仗一次試思長麟到陝後如曾將賊匪痛

加剿殺得有勝仗則賊匪或有所畏懼先行逃避
今長麟帶兵多時從未剿殺一賊豈有賊匪一聞
長麟將至卽遠避其鋒之理乃長麟並未見賊轉
將觀祥所帶防守之馬步隊兵六百餘名輒行札
調是伊竟係專擇無賊處所躲避而行又復擁兵
自衛不能不令朕生疑軍營兵丁以資剿賊今長
麟惟用以自護將有用之兵置之無用之地而此

等從未見賊之兵日日皆需糧餉不思國帑虛糜
長麟著再傳旨嚴行申飭至伍金柱大股賊匪現
竄鄖西額勒登保等已帶兵分投剿捕其江北五
股賊匪自應交長麟在東面督率剿辦該督旣以
剿賊自任若不知愧奮仍以避賊爲事任賊匪往
來奔竄蔓延他處則其咎甚重凜之慎之

同日完顏岱奏言伏查各股賊匪經倭什布孫

清元明亮王凱等節次殲擒其線字等號苟文
明鮮大川等敗殘餘匪折竄川陝惟青字號逆
賊徐五徐添德等馬步賊匪人數較衆而悍驚
譟詐亦較各賊爲最前因明亮等遠追鮮苟等
股在遠安保康一帶該匪乘囊卽無兵且見入
夏雨澤偶稀江水淺涸遂肆猖獗馬步賊百十
爲羣四散焚掠處處逼近江岸四月二十七日

賊大隊約三千餘匪突至穀城之廟灘江面列陣吶喊叫船臣先一日帶兵到彼率領黃文錦張懷毓劉寅清等與賊相持一晝夜隔江用鎗礮轟擊賊匪未敢偷渡遂於夜半向南遁去明亮倭什布次日率兵趕到將賊追逼由南漳向東湖遠竄至閏四月初五六日賊由保康之長坪馬鞍山五盤山忽東忽西繞至歇馬河馬良

坪再折螭嶺溪屢被明亮等滅戮向東南猛力
奔竄至遠安白虎頭爐坪想因見孫清元王凱
等分東西兩路兜截而來復翻山越嶺折回南
漳十五六日繞出大兵之北向襄東奔竄臣得
信卽率黃文錦等文武數員帶領兵勇於十八
日趕至宜城縣小河口地方見近江十餘里火
光不絕探聞賊匪方到分股上下沿江滋擾臣

一面派委員弁首事分帶兵勇赴下游官庄及
鍾祥縣之豐樂河相機截堵一面卽督兵在小
河口嚴防十九日早逆賊馬步多人奔來對岸
沿江村中焚掠適貴州撫臣琅玕經過同臣率

領弁兵駛至中溜江面用連環鎗擊打又有南

岸襄陽鄉民齊勇助勢將賊趕退臣當卽重賞

示勸琅玕見賊已退卽由江中向荊州一路前

進現在賊匪尙在距江一二十里紛竄惟有率
兵嚴加防守視其近江所向前往隨處截擊再
前數日內聞得陝境之賊辛總楊開甲等合夥
竄入鄖西縣境豫省荆子關浙鄧一帶較江上
更爲緊要臣不敢拘泥一面具稟撫臣一面飛
札南陽府周璣辦給腳力口糧星速催令赴田
禾稠處協防撫臣隨亦有札飭令改道赴西路

集三才圖會卷之三
該官弁兵丁頭一起已於十七八等日行過南陽向西路行走奏入

上命軍機大臣傳諭完顏岱曰青號賊匪在宜城縣小河口地方沿江滋擾適琅玕經過卽同完顏岱督率弁兵施放鎗礮復有南岸襄陽鄉民齊勇助勢將賊趕退完顏岱重賞示勸所辦尙好楚省竄匪逼近豫省邊界雖已將賊匪趕退但賊蹤無定

恐乘間又復急竄襄西必須嚴密防守不可稍有
疎虞尙完顏岱自揣一人尙照料難周則當稟明
吳熊光添派文武大員幫同堵截勿使賊匪一名
闖入豫境完顏岱現任豫省臬司專防江岸尤宜
倍加奮勉以副委任

上又命軍機大臣傳諭姜晟明亮倭什布曰楚省青
號賊匪因江水淺涸分股出沒逼近江岸所有沿

江各要隘關係緊要姜晟雖到任未久但係湖廣
總督該省地方皆其管轄自應悉心佈置先事防
範今青號賊匪在小河口沿江焚掠完顏岱聞信
到彼卽同經過該處之巡撫琅玕率領弁兵駛至
中溜江面施放鎗礮擊退賊匪而襄陽南岸祇有
鄉勇齊助聲勢並未見有楚省派防官員在彼協
同截擊可見該省堵禦之事 竟未認真辦理其擊

退賊衆之襄陽鄉民轉由完顏估給賞示勸楚省
文武所辦何事姜晟著傳旨嚴行申飭至青號賊
匪本係明亮倭什布孫清元等專行剿辦今賊匪
四散分竄擾及小河口沿江地方明亮等並未跟
蹤追剿豈伊等尙在睡夢乎看來明亮等前次所
奏鮮苟等股賊匪經官兵殲戮已向東南奔竄之
語亦屬虛飾或竟係賊匪自欲竄往該處卽徑行

竄往並非由明亮等追逼緊急將來賊匪或仍行
竄回明亮等亦未必卽能截住明亮從前本因捏
飾奏報是以將伊治罪今竟不知悛改故智復萌
倭什布前因防堵不力僅予薄懲仍加恩擢用巡
撫現又帶兵剿賊該省防守及剿捕事宜均其專
責乃任賊匪往來自如並未見倭什布預飭本省
文武實力堵截殊負委任明亮倭什布亦俱著傳

旨嚴行申飭前據吳熊光奏楚北均州光化棗陽
隨州等屬毗連豫境無險可扼楚省未經安設官
兵祇恃一江之隔深爲可慮賊匪若由隨州棗陽
直趨樊城呂堰驛一帶卽可越過漢口闖入南陽
尤當嚴密防範其襄陽一帶難民先期過江者俱
在北岸搭棚栖住亟應妥爲撫卹豈姜晟等竟全
未籌及耶至此時楚境之賊僅有青號一股若復

任其竄至北岸豈不又致蔓延卽南岸無賊處所
若任賊遊奕往來肆其蹂躪何時始能辨竣明亮
倭什布均係棄瑕錄用之人姜晟經朕特加簡用
惟當痛除積習趕緊籌辦以期立功自効

二十七日巳額勒登保那彥成奏言竊查楊開

甲等股賊匪前竄往鄖西邊界恒瑞當卽帶兵

趕赴攔剿臣等又因伍金柱股匪爲數較多恐

竄東南卽帶兵併力先行剿辦茲臣等接據恒

瑞來信知楊開甲等賊匪攻破鄔西蒿坪壩一

天門卡隘我兵若不覓道抄截恐落賊後恒瑞

遂躡捷徑督兵翻越重山趕抵漫川關賊匪又

竄上津相距三十餘里十一日五鼓令副將李

天林遊擊扎隆阿都司劉應魁海進龍並侍衛

保邦協領祿成佛爾卿額等分帶馬步官兵進

擊午前與賊相遇該副將等奮力衝殺斃賊二
三百名正在得手之際乃賊匪詭詐兩面山梁
俱行埋伏分爲數路將我兵圍裏適恒瑞親率
遊擊李朝顯等官兵趕到併力撲進斃賊多名
該匪始行敗退直至二鼓紮住營盤此次傷亡
鄉勇弁兵一百餘名正慮賊匪過多難以痛剿
而札克塔爾等亦相距不遠臣等一面飛飭和

克塔爾桑吉斯塔爾慶成等趕抵恒瑞一路合
剿又恐該匪等乘間東竄深入楚地復繞逼豫

疆

臣

等並卽帶岱森保楊遇春穆克登布由竹

林關倍道饋行直趨趙家川蒿坪河一帶預扼
東面路徑賊匪果仍折而向西恒瑞札克塔爾
等於十三日帶兵趕追探報賊匪隔有兩重大
山恒瑞札克塔爾等當卽詢明抄截之路於十

四日四鼓發兵桑吉斯塔爾慶成帶領兵勇由
左路前進札克塔爾九十帶領兵勇由右路前
進恒瑞同國霖劉之仁德忠帶領官兵由中路
前進已刻分抵黃鶯舖該匪等一見官兵有槍
佔山梁排列者有直前抗拒者四山嘯聚三路
官兵併力攻擊往返衝殺十餘次斃賊五百餘
名內有鎗斃戴翎頂賊目一名又矛刺執旗馬

上賊一名據活賊指認戴翎頂者係頭目羅貴
執旗之賊名葉老八亦係小頭目賊匪敗潰後
分作四五股逃竄我兵又分抄追殺二十餘里
至麗子關地方沿途斃賊四百餘名前後生擒
二百二十餘名被脅逃出者不計其數將獲賊
逐加訊究據供此股賊匪係楊開甲辛聰張添
倫宋麻子合爲一夥楊開甲欲由鄖西衝出楚

境再至河南伍金柱助有戰手二千名亦在其
內伍金柱說亦前來却未見到等語當將真賊
卽行正法其餘被裹男婦三十五名口概行釋
放所有敗殘餘匪已向大小壩廟川一路西奔
恒瑞等仍卽追剿臣等當卽飛行知會恒瑞札
克塔爾務卽乘勝趕緊將此股賊匪殲淨萬勿
任令東竄爲要查陝之西南鎮安洵陽等處本

有賊匪而楊開甲又復前去臣等自當由東向

西併力剿辦但賊股既多飄忽無定棧道江口

以及寧羌等處均分有提鎮帶領兵勇防堵其

商雒一帶爲入豫必由之路兵備尙覺空虛臣

等所帶之兵只敷剿賊不能再行撥出留駐查

前奉

諭旨令就近酌調甘涼兵二千名應用臣等昨已移

咨長麟令其趕緊檄調速赴商雒於要隘安設
尙恐迂緩並札商長麟於北棧離賊較遠之處
分設各鎮內抽出一鎮帶領原帶之兵先赴商
雒俟甘涼兵到陝再行酌量分撥至鄖西地方
該令孔繼榘團集鄉勇堵禦前此賊匪屢經到
彼均能截擊頗爲得力此次賊匪衝入高坪壩
卡該令本在漫川關卽帶領團勇馳往尙在途

間賊匪又衝至一天門卡實緣時屆收割之期
不得不將卡內鄉勇抽撥令其暫行歸農所以
卡隘人單猝被衝破茲賊匪雖已西竄臣等又
札飭該令仍將各要隘再加收拾催令收割完
竣添足團勇深溝高壘以爲有備無患至楚省
僅有徐添德等股尙在南漳一帶奔逃明亮倭
什布等追剿自可尅期竣事此時陝省賊勢較

重然川楚兩省無論何省先行完竣將其本省
之兵留防其餘亦可前來會剿臣等惟有隨時
盡力趕緊剿辦其恒瑞扎克塔爾等所帶兵弁
內傷亡各員名容另查明辦理

額勒登保那彥成又奏言查總兵在軍營爲領
隊大員理宜隨時振作奮勉剿賊以爲將弁等
表率詎有陝安鎮總兵柯藩前經身任提督因

剿賊不力降爲總兵該員更應倍加出力以圖
自効乃一味因循先在紫陽等處防堵卽未能
實力截剿賊匪嗣隨恒瑞一路帶兵輒以痔瘡
疾發兩腿疼痛爲詞告留山陽恒瑞卽撥兵五
百名令其在山陽防守該員卽欲藉病養息亦
當在山陽左近擇要安營居住一面上緊調治
一面仍當偵探賊蹤相機截剿乃查楊開甲等

殷賊匪路出山陽有賊探十餘人騎馬直至教場該總兵竟在城中施放鎗礮並不督兵出擊以致賊匪遠遁如此而不嚴叅何以示懲若僅將該員革職尙不足以蔽辜應請

口將陝安鎮總兵柯藩革職卽於軍營枷號俟軍務完竣之日再行釋放俾各路領兵鎮將均知儆惕再查委署叅領德春去冬染患脚氣腫痛不

能履地在五郎調治數月漸就痊可本年正又

臣那彥成帶兵赴甘該員隨至漢中又復患病

因令留於郡城一俟調理稍愈卽跟隨台布剿

賊及臣那彥成自甘回陝路過漢中據台布告

稱德春病已平復仍令隨營行至洋縣地方脚

氣復發至今未痊雖查驗尙非捏病規避但當

帶兵需人之際該員病體難痊未便姑容任其

懸棧相應請

旨將德春勒令休致又查新設寧陝鎮一缺增添營
制訓練新兵一切初定章程必須熟諳營務之
員方能辦理妥協總兵劉之仁到陝以來甚知
奮勉出力而年過六旬精神不甚強壯若責令
獨自領兵一路亦恐不能出衆而該員勤慎細
緻在營年久且節次出師於新設營分操練新

兵並將來辦理善後等事尙堪勝任此時似可
無庸請

旨更調至國霖年雖五十餘歲而氣體軟弱實不能
久耐辛苦前在商州帶兵祇有一千餘名當楊
開甲等股賊匪竄來之時曾經帶兵趕赴軍嶺
一帶期於截擊迨其到時該匪等業經前竄斬
獲係零星落後之賊國霖仍復隨後尾追

臣

額

勒登保帶兵到商州時國霖猶在留仙坪一帶
堵截尙無畏蕙情事其所稱賊匪數萬詢係僅
據探報之言未能查察之故國霖亦非敢於捏
飾希圖委卸但帶兵打仗須強幹之員國霖究
屬不能得濟若在京當差辦理尋常旗務尙堪
稱職自應令其回京伏候

命下飭知起程

同日明亮倭什布奏言查徐添德徐三等逆分出大小三股賊匪合成大隊四出狂奔接據差探稟報賊蹤由南漳之峽口坪一帶偏東遁走

臣等尋蹤跟逐屢次獲賊供稱因山中寨落甚

多不能尋覓糧食希圖奔竄平坦地方爲擄人掠食之計十二十三等日探得大夥馬步賊衆由百福頭巡檢司東趨直奔荊州當遠大道

臣

等統領官兵星夜由楊家坪兜出該匪知有兵
備折向紅巖寨十四日兼程進剿探報賊匪在
馬鞍山呼堤一帶屯聚該處山勢不甚峻險查
有隆豐觀永定寨禹王寨均係富庶居民築寨
屯聚逆料賊匪勢必覬覦攻撲當卽催兵前進
甫至馬鞍山遙望賊匪分投攻撲寨落有一股
賊繞至陸家寨山後情形尤爲喫緊

臣明亮飛

卽帶領弁兵十餘騎馳至山腰賊匪退入上斑

竹園

臣

倭什布飛催官兵分道抄進並曉諭各

寨居民聲言大兵已到均令各自固守毋過驚

恐

臣

明亮趕過呼堤馳抵斑竹園相度山勢環

抱中間山包上下數處段段林箐兩傍山溝悉

種稻田賊匪在彼屯聚必須將左右山梁層層

準備方足以分賊勢當派副將樊雄楚遊擊胥

泗起守備王占鰲等各帶官兵二百名分爲三
隊由右手山梁進發派總兵王凱副將佛寧守
備孫鈺等各帶官兵三百名分爲三隊由左手
山梁兜截叅將朱士奉帶領馬隊三十餘騎千
總啟祥帶兵勇三百餘名爲中路臣明亮率領
守備陳應彪陳明等往來督戰臣倭什布率領
叅將烏爾卿額都司鄧興相等從中路策應賊

匪亦分成十餘隊吶喊插旗施放鎗礮分投抗拒衝上右手山梁經遊擊胥泗起督兵下壓樊雄楚王占鰲層層接應撲壓三次斃賊一百餘名該匪衝冒鎗炮而進臣明亮察看情形危急親率叅將朱士奉帶馬隊從中衝出搶上山梁詎密林內藏匿馬賊三四百人望見馬隊僅三十餘騎心存輕視蜂擁撲下山坡千總吳昞把

總張天祥力敵陣亡經遊擊膏泗起排列鎗礮擊退斃賊無數賊匪復撲左手山梁適守備孫鈇帶兵下山抄截深林內伏賊四起捨命拒戰

臣倭什布帶兵接應奮勇直前臣明亮督兵衝

入賊隊三路官兵鎗發箭射共斃賊二百餘名生擒李茂發等四十七名奪獲礮位旗幟器械騾馬甚多該匪猶抵死不退疊用大礮擊斃馬

賊十餘騎餘衆始行敗竄白已至戍官兵未嘗

稍歇臣等傳令各路官兵暫行紮住次日黎明

正在發兵間該逆率領馬步羣匪復至有穿紅

褂賊首先帶領賊隊策馬飛越而來經我兵一

礮連馬轟倒餘衆搶屍擡去官兵乘勢追殺至

晚因前面林箐深密遂令紮住山包十七日探

得賊匪分爲兩股一股走報信坡一股向劉家

集查該二處東北地接荆宜正北界連襄穀且距江干甚近關係尤重

臣

等由辛家坪馳抵武

安鎮迎頭包出東北二面十九日據荊州滿營馬甲來順到營報稱前調佐領百順帶馬隊官兵七十名由均州趕赴大營行抵南漳屬之馬家營輒遇馬賊七八百人步賊三四千人圍裹搶刦馬匹衝散官兵離大營二三十里等語當

卽挑出奮勇官兵一千八百名令王凱帶領趕
赴救援去後詎報信坡分股賊匪先來攻撲營
盤臣等察看撲營馬步賊衆不過千餘人賊情
狡猾勢必牽綴我兵其賊夥大隊必盡在馬家
營一路王凱率領佛寧等分爲三路進剿過馬
家營五里許詎馬步大隊賊衆搶刦馬匹之後
分爲兩翼前來包裹官兵復分步賊抄截後路

前後左右蜂擁攻撲我兵四面迎敵王凱督兵
搶上山梁賊衆敗退佛寧烏爾卿額將兩脇賊
匪衝開壓過四道山梁王凱馳馬衝過忽樹林
內突出步賊四五百人馬賊數百人攪殺一處
賊逆衆多捨命圍裹王凱連射三賊身受矛傷
陣亡叅將朱士奉衝入賊圍身受矛傷四處甚
重經親隨六丁護救擡回大營臣等將攻營賊

匪擊退續派都司鄧興相守備陳明等帶兵前往王凱一路協剿將到該處正遇分隊賊匪由大路直向我營前來當被鄧興相施放連環擊死數賊衆賊紛紛向西南遁去時己戌正官兵緩緩撤回此次殲斃賊匪雖多而官兵傷亡者亦復不少臨陣擒獲賊匪男婦三十七名口內訊出首逆徐二之妻張氏供稱徐二本有三弟

兄徐添德居長因川省著名爲首大兵逼剿緊急所以埋名隱姓囑令徐三出名使大兵不來跟剿次名徐二因素日與徐添德不甚和睦跟在營內止帶頭隊數百矛手在前打仗至張元帥羅先鋒等十餘人不過是小頭目現在營內一切事件總是徐添德主謀等語復訊李茂發等衆供僉同除將徐二之妻張氏立行寸磔又

趙貴苟士升等七人係執旗頭日亦卽凌遲處
死張和貴等二十一名實係川陝正賊概予駢
誅其王李氏等八口均係被擄未久給予盤費
執照寧釋是日接據防堵鄖西邊卡道員恒慶
稟報楊開甲大股賊匪約有萬餘人由鎮安關
入蒿坪埡衝破營卡守備修永宏帶領旗首奮
勇直前連殺數人被賊矛戳傷身死旗首各勇

均有陣亡賊衆狂奔卽有騎馬賊匪數百人直
奔前來恒慶督勇攔截詎兩脇步賊衝上山梁
恒慶往來山中馬蹶跌傷左腿暫回郡城調養
該道家人雙福跟役周升黃貴王鳳李榮因救
護主人均被賊戕害行營把總宋春玉身受重
傷知縣孔繼榘率勇在一天門攔截千總職銜
桂榮首先殺斃賊探搶獲馬匹該匪旋即退竄

茅坪地方等語復據稟報將軍恒瑞帶領官兵
於初十日紮營一天門由關防鋪進剿知縣孔
繼樞現集各勇隨同恒瑞協力抄截遊擊周龍
章已帶兵移駐鄖西縣防守城池臣等前派副
將滿倉帶兵一千名前往續派都司德克精額
帶領光化縣壯勇一千六百名就近馳赴鄖西
協同堵剿計此時先後到去定可與恒瑞等夾

擊集事

臣

倭什布身任地方本應卽赴鄖西籌

佈堵剿事宜奈青號賊衆大肆鴟張正在東北

二面喫緊之際官兵甚少勢難分兵前往現已

飛飭候補道王正常遊擊郭廷樞都司鄒宗夔

知縣孔繼楨等鼓勵兵勇嚴堵協剿並移知姜

晟籌運軍火糧餉速解來鄖以備應用孫清元

一路現據該鎮稟報將所帶二竹兵勇擇要安

設妥協卽由馬良坪百福頭迎剿青號前來今
已飛調來營合兵進剿如日內將青號賊匪速
行殄滅臣明亮卽帶兵趕赴鄖西協同剿辦萬
一稍延時日一俟兵力到齊辦有就緒臣倭什

布卽酌分官兵前往堵剿至荊州滿營官兵途
中遇賊戕害並此次打仗傷亡弁兵容俟查明
咨部辦理再查徐添德係川省首先起事之犯

素極狡猾必須設法速行拏獲

臣

等屢次接仗

總未能痛加洗剿緣賊匪騾馬竟有千餘之多
人數極衆馳驟平陽肆無忌憚一經官兵逼入
山內忽而馬賊乘間突出焚劫村庄且每逢剿
敗之後步兵追趕不及卽或趕上馬賊又繞至
後路總受其牽綴之累必得三四百索倫兵或
吉林馬隊馳射衝殺先挫馬賊之鋒則步賊不

難立時痛剿除飛咨經畧額勒登保趕緊酌撥
三四百名來楚應急外伏乞

皇上勅令額勒登保就近酌撥前來實於剿辦大有
裨益均奏入

上命軍機大臣傳諭額勒登保曰此次楊開甲等股
賊匪竄入楚境副將李天林等翻山進擊被賊圍
裹適恒瑞趕到接應併力撲進殲賊多名賊匪始

行敗退折回西竄恒瑞札克塔爾等繞道抄截在
黃鶯舖等處地方併力衝殺復先後殲賊九百餘
名生擒二百餘名餘匪向大小壩廟川一路西竄
所辦甚好恒瑞札克塔爾親身督戰尤爲出力可
嘉恒瑞著加恩賞給雲騎尉世職札克塔爾著賞
給恩騎尉世職以示獎勵至於截剿賊匪固由恒
瑞等緊擊其後亦由額勒登保先在東面預行扼

截攔堵是以剿捕得力但兩路堵剿皆仗兵力並
未見有地方官協力堵禦該處地方文武均在何
處潛匿似此玩愒疎防無人攔禦不可不查明嚴
叅懲辦卽如陝安鎮柯藩因疾告留山陽經恒瑞
派兵五百名令其在該處防守柯藩卽應在山陽
左近擇要安營乃楊開甲等賊匪路出山陽有騎
馬賊探十餘人直至教場柯藩自應督率兵丁速

行擒捕卽使身患痔痛亦當親身與疾督飭搜拏
或實在不能領兵出城亦應派令妥幹員弁帶領
兵丁前往奮擊乃旣不帶兵出擊又不將該處兵
丁五百名派員帶剿僅在城中施放鎗礮以致賊
探遠遁實爲可恨之極此而不加之刑誅何以示
警柯藩所患腿疾係無形之疾或難確驗若痔痛
之症本屬顯然無難派員帶領醫生前往查驗得

實著額勒登保查明如柯藩實因患病不能行動
卽照所奏將柯藩革職於軍營枷號俟軍務完竣
之日再行發往伊犁倘柯藩竟非痔漏藉病避賊
不行出擊縱令遠遁卽應一面奏聞傳集將領將
柯藩在軍營卽行正法並著額勒登保傳知德楞
泰明亮各路軍營一體知悉俾怯懦不前有心玩
縱者知所炯戒所有陝安鎮總兵員缺卽著額勒

登保於軍營帶兵出力之侍衛章京及副將內據
實保奏二員候朕降旨補放其山陽縣知縣於賊
探馳至教場時何以並不率同練勇實力巡拏任
其逸去亦著長麟查明叅奏治罪如該令別有差
委或於堵禦不能得力亦應撤回另行更換又委
署叅領德春染患腳氣雖驗非捏詞規避但當帶
兵需人之際此等無用之人留營徒糜廩給僅勒

令休致亦覺尙輕德春著卽革職飭令回旗此外
如有似此者並著查明分別辦理國霖於帶兵打
仗旣不能得力自應撤令回京如那彥成尙未起
身卽可一同行走如已起程卽令其自行來京亦
可其總兵劉之仁據額勒登保等奏稱伊在營年
久於操練新兵辦理善後等事尙堪勝任自可無
庸更調至額勒登保身任經畧一切軍務自應相

機調度但額勒登保素不諳習漢文朕聞其每遇繕叙奏摺易致耽延時日若將各路軍情逐一繕奏未免於剿賊之事更有所妨此時那彥成已經來京伊一路帶兵官員札克塔爾慶成等及兵丁皆歸額勒登保一人調度額勒登保竟當專辦陝省之賊其湖北賊匪祇徐添德一股有明亮等在被剿辦川省賊匪有德楞泰勒保分投剿辦川楚

二省距額勒登保軍營寫遠此後剿捕情形皆應
由伊等自行陳奏額勒登保毋庸叙及亦不必令
其咨報免致分心並著行知德楞泰勒保明亮倭
什布一體遵照額勒登保惟當倍加奮勉就現有
兵力悉心布置務將陝省各股賊匪以次肅清再
現據明亮等奏楚省馬賊甚多亟需吉林馬隊追
剿已咨明額勒登保酌撥三四百名應用現在陝

集三才具之學五編卷三
三
省剿賊正當喫緊之時未知此項馬隊兵丁果否
可以分撥著酌量情形如該處兵力可分即將東
三省馬隊兵酌撥發往如實在不能分撥即可據
實奏聞

上又命軍機大臣傳諭明亮倭什布曰楚省徐添德
徐三等逆分股在南漳之峽口坪一帶奔竄經明
亮倭什布等尋踪追逐至馬鞍山地方督率兵勇

搶上山梁兜截先後斃賊三百餘名生擒李茂發等四十餘名此次打仗殺賊明亮倭什布二人俱係親身督戰衝冒矢石均屬可嘉其所稱經我兵用礮轟斃之穿紅褂賊一名諒未必卽係首逆徐添德是否係著名賊目仍著查明具奏又據稱官兵行抵南漳屬之馬家營遇見騎馬賊七八百人步賊三四千人此又係何股賊匪摺內亦未聲叙

明晰至總兵王凱於大隊賊衆包裹官兵時督兵
搶上山梁奮力剿殺連射三賊身受矛傷陣亡深
堪軫惜王凱在軍營數年甚爲出力今臨陣捐軀
著加恩照提督陣亡例咨部賜卹叅將朱士奉衝
入賊圍身受矛傷甚重亦屬奮勇朱士奉著卽以
副將陞用如該員因傷身故卽著照副將陣亡例
咨部賜卹所有宜昌鎮總兵員缺卽著明亮以五

品翎頂補授仍帶領隊大臣銜督兵剿賊現在楚
省剿辦事宜卽係伊專責該省只有徐添德一股
明亮惟當設法兜剿與倭什布二人同心協力卽
在楚境剿除淨盡用副委任至郎西竄匪現據額
勒登保等奏已經帶兵截擊折回陝境此時該處
現有明亮等先經派往之副將滿倉等帶領兵勇
堵剿明亮倭什布俱不必前赴郎西一俟楚境肅

清再行酌量情形一人赴鄖西邊界一人赴歸巴
一帶分駐防堵勿使川陝竄匪闖入楚境亦卽係
二人之功至所奏楚省馬賊甚多急需吉林馬隊
追剿一節已據飛咨額勒登保酌撥三四百名現
又有旨諭知額勒登保如陝省可以勻撥赴楚自
更得力其帶兵人員恐該處將領不敷調派業已
於乾清門侍衛內派出二等侍衛富翰三等侍衛

塔津保二員並令王大臣於會歷行陣之侍衛章
京內揀選引見再行酌派一員一同差往帶領馬
隊更可乘勢奮擊以期一鼓集事至道員恒慶駐
紮高坪垵一帶賊至不能攔截如有避賊情事必
當革職治罪今據明亮等奏該員曾經率勇堵禦
因馬蹶跌傷左腿暫留郡城調養是恒慶尙非見
賊退避着准其暫回郡城調養俟傷痊時仍督同

身三十一卷之三
三
孔繼粹認真防堵不得再有疎懈此次打仗陣亡
之守備修永宏千總吳昞把總張天祥俱著咨部
賜卹